



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R.P. Francisci Arias, Societatis Iesv Theologi, De Oratione
Mentali Et Mysteriorvm Vitae D.N. Iesv Christi &
benedictae Matris eius meditatione**

Arias, Francisco

Coloniae Agrippinae, 1616

Cap. X. De aspirationibus pertinentibus ad viam illuminatiuam pro ijs qui
in cultu diuino prosiciunt.

[urn:nbn:de:hbz:466:1-48934](https://nbn-resolving.org/urn:nbn:de:hbz:466:1-48934)

9^o EXERCIT. FRANC. ARIÆ

meis. Da mihi odium mei ipsius. Da
dulcissime mi Saluator, robur ad mor-
tificandas meas passiones. Da mihi, vt
rectum iudicium de me feram, Da, vt
seuerè à me exigam pœnas, ad satisfi-
ciendum iustitiæ tuæ. Da mihi Salua-
tor, vt quamcunq; pœnam, tribulatio-
nem, contemptum libenter recipiam
in satisfactionem pro meis delictis. Da
vt potius eligam mori, quam peccare.
Da, vt non modò timeam, fugiam
peccata grauia, sed etiam leuia. Da mi-
hi firmissimum propositum non
plus peccandi. Da mihi gratiam peccata
uerandi, & pœnitentiam tota vita
agendi.

CAPVT X.

*De aspirationibus pertinentibus ad viam
luminatiuam pro ijs qui in cultu di-
uino proficiunt.*

Aspirations quæ ad hanc
dam viam pertinent, & se-
queunt proficientibus, sunt hæc:
oro te Deus & Saluator meus,
Christe, pro omnibus beneficijs
Te laudo, benedico, & glorifico pro
mnibus tuis misericordijs. Grati-
ago, quòd me elegeris ab æterno, quòd
è nihilo creaueris, quòd hucusque

DE PRAESENT. DEI. 51

conseruâris. Quòd cùm esses verus
Dei viui filius me amasti, pro mea sa-
lute homo factus & passus. Gratias ago
quòd captiuum redemeris, quòd perdi-
tum vocaueris, & saluaueris, quòd fi-
dei lumine, tuorumque Sacramento-
rum thesauro ditaueris. Gratias refero
pro omnibus sanctissimæ vitæ tuæ, pas-
sionisque mysterijs. (Possunt autem hæc
gratiæ ambulando cantari, & quidem
particulatim pro singulis mysterijs in
sancto Rosario comprehensis.) Gra-
tias ago pro particularibus omnibus
beneficijs mihi præstitis. Et hæc quo-
que ambulando potes expendere, di-
stinctè de singulis gratias agendo, &
dicendo: Iesu nostra redemptio, amor,
& desiderium, &c. Adoro crucem tuam
sanctissimam, eamque toto cordis mei
desiderio amplector, & quanto valeo
honore prosequor. Saluete benedicta
vulnera, quæ tu pro me recepisti, qui-
busq; me tuo cordi impressisti: Saluto
cor tuum vulneratum & pro me pate-
factum. Absconde me Domine in tuis
vulneribus, vt in illis saluare me
queam & ab omni malo liberare. In
tuo corde reconde me, & in illo contra
oës inimicos me tuere. Scribe in ani-
ma mea Domine omnes tuas pœnas &

dolores, vt totis visceribus tibi conde-
 leam. Imprime plagas tuas pectori
 meo, vt totus sim tuo amore fauci-
 tus. Detege Domine omnes virtutes,
 quæ in tua sacratissima vita passione-
 que relucent, vt in illis omnibus te
 miter, & in omnibus perfectè me tibi
 conformem. O dulcissime Iesu, vt pos-
 sim te imitari, da mihi profundam hu-
 militatem, & perfectam obedientiam.
 Concede mihi viscera misericordie.
 Pone Domine linguæ meæ frænum
 omnibusque sensibus meis. Porrige
 Domine lumen intellectui, puritatem
 cordi, spiritum meum corrobora, paci-
 fica, tranquilla, & omnia animæ meæ
 interiora exhilara. Exaudi me Domine,
 ne, & postularis meis annue; nec enim
 cupio mihi concedi, quæ congruam
 professione meæ, sed quæ salutem meam
 & gloriam tuam rectius promoueat.

Verùm quia Orationis Domini
 petitiones spectant quoque ad viam
 illuminatiuam, summam earum habet
 etiam loco ex Sanctorum libris desum-
 bimus. O Pater, qui diuina tua gra-
 tignis filios spirituales, me quoque
 fac verum filium tuum. Da mihi gra-
 tiam, vt in omnib. tibi obsequar, &
 tanquam filius sincero amore com-
 plectar.

conduent. in
 syst. Theol.

ater.

star. O Pater, qui omnibus tuam bonita-
tem communicas, & in omnes clemen-
tia tua dona summa liberalitate effan-
dis, sicut omnes nos è nihilo cõdidisti,
ita omnes digneris adoptare in filios
gratia: Da mihi, vt omnes amem ve-
lut fratres, eosdemq; vera caritate & mi-
sericordia complectar. O Pater, *quies in*
caelis, licet enim vbiq; sis, tamẽ peculia-
riter in corporibus cœlestibus tuam po-
tentia, sapientia, & bonitatem manife-
stas: in caelis verò spiritualib⁹, hoc est,
in Sãctis omnib⁹ alio modo magis spe-
ciali habitas. O si anima mea, tuæ gra-
tiæ beneficio niteret, fulgeretq; instar
cœli, & virtutib⁹ ornata esset quasi stel-
lis: tunc enim sedẽ oculis tuis gratissi-
mam in ea reperires. O Pater sanctissi-
me, vt inam nomen ruum, potentia, ma-
iestas, bonitas, sapientia, vera fide ab o-
mnibus nationibus agnosceretur, & re-
ligione, cultuq; sancto coleretur, & glo-
rificaretur, perfecta q; caritate adama-
retur. Vtinam, inquam, qui supra om-
nia es, haberẽ ab omnibus sanctus, &
secundum infinitam bonitatem tuam
diligereris ab omnibus. Nullam siqui-
dem perfectionem, equẽ ac bonitatem,
in mysterio redemptionis, quod maxi-
mẽ ad te amandum nos obligat, pate-
fecisti.

Qui es in caelis.

Sanctificet nomen tuum

C 3 O Pa-

*dueniat
gn um tuū.*

O Pater clementissime, non regnet
amplius in nobis amor mundi, non
dominetur caro, non imperet dæmon,
sed tu solus regna in animabus no-
stris, tu solus sis lumen nostri intelle-
ctus, & dux voluntatis, nihil sit in no-
bis, q̄ a te non moueatur, & dirigatur.

*iat, volun-
s tua.*

O dulcissime Pater, vtinam in om-
nibus possem tuam sanctissimam vo-
luntatem perficere. O vtinam omnes
indigenæ huius terræ conformarent
se incolis cœli.

*nem quo-
ianū da.*

O Pater clementissime, præbe ani-
mæ nostræ spiritualem cibum, id
est, tuum sanctum amorem. Hu-
ius cibi mirabilis est substantia; hoc
quotidie opus habemus; hoc corro-
borantur animæ nostræ, pascunturque
donec veniamus ad æterna tabernacu-
la. Sed nec necessaria nobis desint pro
toleranda vita corporali, vt tantò at-
dentiùs tibi per amorem adhæreamus.

*dimitto
bis.*

O Pater misericordiarum, dimitte
nobis peccata nostra, ob quæ rei fe-
cti sumus pœnæ æternæ. Quandoque
dem scimus te velle ea dimittere, &
nos inuitare, vt petamus eorum con-
donationem. Condona igitur Domi-
ne nobis nō solum peccata grauiā, sed
etiam leuiā, quibus te quotidie offer-

DE PRAESENT. DEI. 59

dimus, testimoniumque huius condonationis nobis trade, quod soles tradere tuis filiis, diuinum scilicet amorem.

Domine, postulas à nobis, vt diligamus inimicos nostros, sicut tu eos diligis, & omnem iniuriam nobis illatam remittamus, vt nobis etiam nostra delicta remittantur. Id praestant, Domine, viua tuae Ecclesiae membra, & fac, vt omnes ita faciamus, vt omnes tecum in gratiam redeant.

Sicut & nos dimittimus.

O potentissime Pater, praebe mihi contra omnes animae meae inimicos, vt omnesque tentationes victoriam, vt per amorem semper tibi adhæream.

Et ne nos irascas.

O benignissime Pater, libera me ab omni malo poenae animae meae noxi, ac ab omni re, quae in hac vita impedire potest perfectam mei cum tua diuina bonitate vnionem, in altera verò claram faciei tuae visionem, & contemplationem. Tanta caritate me locupletata, vt immunis esse queam, non solum à cruciatibus aeternis inferni, verum etiam temporalibus Purgatorii, non quòd reformidem ob tui amorem aliquid pati, sed vt anima mea, ab omni noxa purior, sit quoque tuis oculis carior, & quando ex hoc corporis ergastulo euolabit, nulla inter-

Sed libera.

posita mora perfruatur conspectu possessioneque infiniti boni, quod tantoperè desiderauit.

CAPVT XL

*De aspirationibus pertinentibus ad
viam vnitiuam.*

Aspiraciones & orationes iaculatoriæ ordinatæ ad vniõnem perfectam animæ cum Deo, quæ exercentur in hac via vnitiuam, hæc sunt. Dulcis Iesu, Deus meus amor infinitus, imple totum cor meum tuo diuino, & fortissimo amore. Inflamma animam tuam amoris igne, qui nunquam extinguatur, vt totus amore ardeam. Occupa omnes animæ meæ facultates tuâ dulcedine, tuique amoris efficacia, donec nulla res eam moueat, nisi amor. O Deus meus, amatũ principium, & creator meus; ô purissima, æternaque essentia, ac fons infinitus omnis esse. O bonum infinitè amabile, ô fons infinitus omnis boni, ô infinitæ suauitatis abyssus. O pelagus immensum gaudiorum ineffabilium. O Deus meus, in te omnia inueniuntur, quibus ego indigeo, & quicquid desiderare queo, quia alia omnia à te manant & proueniunt. Te solũ specto, te vnum quaero; quia alia omnia